

古今圖書集成

中国学术类编

典工考
上
(二)



欽定古今圖書集成經濟彙編考工典

第四十二卷目錄

宮殿部彙考四

遼太祖一則 太宗天顯二則 會同一則
遼聖宗一則 遼興宗一則 遼重熙一則

宋一則 太祖建隆二則 乾德二則 開寶二則
太平興國三則 景德一則 祥符二則
至道一則 天禧二則 天聖二則 明道二則
大中祥符八則 景祐二則 寶元一則
慶曆四則 皇祐三則 至和祥符一則
嘉祐二則 英宗治平三則 神宗熙寧七則
元祐二則 哲宗元祐一則 徽宗崇寧二則
宣和七則 重和祥符一則 欽宗靖康二則
宋一則 宋一則

考工典第四十二卷

宮殿部彙考四

遼

太祖八年建開皇殿

按遼史太祖本紀八年冬十月甲子朔建開皇殿於

明王樓基

太宗天顯三年夏五月建天曆堂

按遼史太宗本紀云云

天顯五年夏五月詔修夏渾離宮

按遼史太宗本紀云云

會同三年冬十二月丁巳詔燕京城西南築建京

殿

按遼史太宗本紀云云

聖宗統和二十四年改南京宮諸門

按遼史聖宗本紀二十四年秋七月辛丑朔南幸八

月丙戌改南京宮宣敕門爲元和外三門爲南端左

掖門爲萬春右掖門爲千秋

開泰七年建延慶永安殿

按遼史聖宗本紀七年冬十月名中京新建二殿曰

延慶曰永安

興宗重熙五年夏五月詔修南京宮閣府署

按遼史興宗本紀云云

遼以幽州爲南京建宮殿

按遼史地理志南京大內在西南隅皇城內有景宗

聖宗御容殿殿東曰宣和南曰大內內門曰宣敕改

元和外三門曰南端左掖右掖左掖改萬春右掖改

千秋門有樓閣毬場在其南東爲永平館皇城西門

曰顯西設而不開北曰于北西城嶺有涼殿東北隅

有燕角樓坊市廡舍寺觀蓋不勝書

按禁扁遼以幽州爲南京宮之扁曰永興曰積慶曰

延昌曰章敏曰長寧曰崇德曰興聖曰敦睦曰永昌

曰延慶曰長春曰太和曰延和殿之扁曰清涼曰元

和曰嘉寧堂之扁曰天曆樓之扁曰五花曰五鳳曰

迎月閣之扁曰乾文門之扁曰元和曰南端曰萬春

曰千秋曰鳳凰閣曰柳閣

宋一

太祖建隆三年修東京宮殿

按宋史太祖本紀三年春正月甲戌廣皇城 按地

理志東京汴之開封也梁爲東都後唐罷舊復爲東

京宋因周之舊爲都建隆三年廣皇城東北隅命有

司畫洛陽宮殿按圖修之皇居始壯麗矣

按玉海建隆三年正月甲戌發開封浚儀民數千廣

皇城之東北隅命義成節度韓重寶董役 建隆三

年五月大修宮闕

建隆四年詔重修大內

按宋史太祖本紀不載

按玉海建隆四年五月十四日詔重修大內以李懷

養趙仁遂護役二十四日明德門成學士陶穀撰碑

乾德元年復增修宮闕

按宋史太祖本紀不載

按玉海乾德元年五月十四日復增修宮闕凡規爲

制度並上指授

乾德二年建慶基殿

按宋史太祖本紀不載

按玉海乾德二年五月建奉先齋廟院於安陵舊城

奉宜祖昭憲后像設景祐二年二月戊寅御書宜祖

神御殿榜慶基

開寶元年賜大內諸門名

按宋史太祖本紀不載

按長編開寶元年正月乙巳大內管繕畢賜諸門各

開寶八年冬十月修西京宮闕

按宋史太祖本紀云云 按地理志西京唐顯慶間

爲東都開元改河南府宋爲西京山陵在舊宮城周

五八司書集

迴九里三百步城南三門中曰五鳳樓東曰興教西曰光政東一門曰蒼龍西一門曰金虎北一門曰拱宸五鳳樓內東西門曰左右永泰門外道北有寶和門右永泰門西有永福門興教光政門內各三門曰左右安禮左右興善左右銀臺寶龍金虎門內第二隔門曰廣福千秋廣福門內道北門曰建禮正殿曰太極殿前有日月樓日華月華門又有三門曰太極殿門後有殿曰天興次北殿曰武德西有門三重曰應天乾元殿教內有文明殿旁有東上閣門西上閣門前有左右延福門後又有殿曰垂拱殿北有通天門柱廊北有明福門門內有天福殿殿北有廣殿曰太清第二殿曰思政第三殿曰延春東又有廣壽殿觀朝之所也北第二殿曰明德第三殿曰天和第四殿曰崇徽天福殿西有金豐殿對殿南廊有彰善門殿北第二殿曰善昌第三殿曰玉華第四殿曰長壽第五殿曰甘露第六殿曰乾陽第七殿曰善興西有射官殿千秋門內有含光殿殿內西偏有保寧門門內有講武殿北又有殿相對內廊有長春殿淑景亭十字亭九江池砌臺安羅亭宮城東西有夾城各三里餘東二門西曰廣寧北曰啓明西二門南曰金耀北曰乾通官室合九千九百九十餘區

夾城內及內城北皆左右禁軍所處

皇城周垣十八里二百五十八步南面三門中曰端門東西曰左右掖門內東一門曰宣仁西三門南曰麗景與金耀相直中曰開化與乾通相直北曰應福內皆諸司處之

按會要西京大內據京城之西北宮城周回九里三

百步南面三門南曰五鳳樓東曰興教西曰光政東一門曰蒼龍西門曰金虎北門曰拱宸正殿曰太極殿殿前有左右龍尾道日樓月樓次天興殿後有殿閣太極殿門之西面南曰應天門北乾元門次北殿政門次北文明殿次垂拱殿建禮門之西曰廣壽殿其北明德殿其次天和殿其次崇徽殿明福門內曰天福殿其次太清樓其次思政殿延春殿北曰武德殿明福門之西曰金豐殿其次善昌殿玉華甘露長壽乾陽嘉興殿金豐之西曰含光殿殿東廊後有紫雲樓樓前射殿南有講武殿殿後有後殿後苑內有長春殿東官在蒼龍門之西官後有飛龍院西有散甲殿

按玉海開寶八年十月十九日將議巡幸遣王仁珪李仁祚焦勳同修洛陽宮室

太宗太平興國二年改簡賢講武殿爲崇政殿

按宋史太宗本紀不載 按地理志官後有崇政殿開事之所也

舊名簡賢講武太平興國二年改今名

按玉海內東門之北崇政殿舊曰簡賢講武興國八年四月乙卯改

注長編乾德二年九月改廣德殿爲崇政當考

殿東西通英延義二閣閣後隆備殿崇政殿有杜脚次北景福殿試貢舉人考官設於兩廡大中祥符七年始建額即開事之所也

注實錄云祥符七年十月戊午詔名後殿曰崇政殿名已久而未書題榜至是建額

太平興國三年以三館新修書院爲崇文院又改西

京諸殿名

按宋史太宗本紀云云

按玉海西京大內正殿隋曰乾陽唐曰乾元明室後改含元宋曰明元後唐曰明堂晉曰宣德後復爲明堂太平興國三年二月甲申改太極殿又改太極後殿爲天興殿通乾元門爲太極門車輅院門爲鑾和門絳霄樓爲太清樓 垂拱殿唐曰延英太平興國三年改又改廣壽第二殿曰明德第三殿曰天和第四殿曰崇徽改殿曰太清第二殿曰思政第三殿曰延春改瑞明殿爲武德殿改金豐第二殿曰善昌第三殿曰玉華第四殿曰長壽第五殿曰甘露第六殿曰乾陽第七殿曰嘉興

太平興國八年太一宮成

按宋史太宗本紀八年五月丁卯詔作太一宮於都城十一月己未太一宮成

雍熙元年改諸殿院名

按宋史太宗本紀元年七月壬子改乾元殿爲朝元殿文明殿爲文德殿丹鳳門爲乾元門改應福院爲登聞鼓院東延恩殿爲崇仁檢院南招陳殿爲思謙檢院西申寬殿爲申明檢院北通元殿爲招賢檢院

按地理志宮城周垣五里南三門中曰乾元

宋初依梁晉之舊名曰明德太平興國三年改丹鳳大中祥符八年改正陽明道二年改宣德雍熙元年改今名

正衙殿曰文德

宋初曰文明雍熙元年改今名熙寧間改南門曰端禮

經濟集編考工典第四十二卷宮殿部

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

按玉海文德殿後唐曰增明國初改文明太平興國九年五月丁丑殿更七月壬子改今名即正衙殿

一本云乾德三年八月文明殿成雍熙元年七月改為文德殿

太祖時元朔亦御此殿其後常陳入閣儀如大慶殿

聲明堂恭謝天地即著於殿之後開熙寧以後月朔

視朝御此殿殿庭東南隅有欽儀其下漏室西南隅

鐘鼓殿兩狹有東上西上兩門東西兩廊門曰左右

嘉福南門曰長慶北門曰嘉慶淳化中張洎奏今之

文德殿即唐之宣政在周爲中朝在漢爲前殿在唐

爲正衙凡朔望起居大圖拜對四夷君長試制舉人

皆在此

淳化元年春正月詔作清心殿二月改大明殿爲含

光殿

按宋史太宗本紀云云

淳化三年春開成

按宋史太宗本紀三年夏五月甲寅詔作祿閣秋八

景德二年修西京大內

按宋史真宗本紀不載

按玉海景德二年八月修西京大內以將朝陵故也

景德四年二月詔建太祖神御殿及改太極殿門

按宋史真宗本紀四年二月幸西京於西詔西京建

太祖神御殿

按玉海二月己巳次西京壬申宴從臣於講武殿戊

子詔大明堂殿前三門改爲太極殿門

大中祥符元年作會真宮蓋左承天門并賜仙儀靈

輝二殿名

按宋史真宗本紀元年冬十月辛亥享昊天上帝於

圓臺陳天書於左以太祖太宗配帝夏見真獻慶雲

繞壇月有黃光命羣臣享五帝諸神於山下封祀

壇上下傳呼萬歲振動山谷降谷口曰有冠戴黃氣

紛郁壬子禪社首如封祀儀紫氣下覆黃光如星繞

瑞殿

按宋史真宗本紀二年秋七月以萬安宮爲滋福殿

按玉海咸平二年閏三月丁亥宰臣張齊賢等言漢

制帝母稱長樂宮唐穆宗郭太后居興慶宮敬宗王

太后居義安宮文宗肅太后居積慶宮今請命有司

爲皇太后建宮立名詔以萬安宮爲名遂以滋福殿

爲宮祥符二年以萬安宮爲滋福殿祥符二年正

月七日癸亥對宗室輔臣於後地使殿賜太常舞

還其於崇聖殿以封禪慶成故也崇政殿後改爲嘉

瑞殿以後施產變遷故也

大中祥符三年春二月以射堂爲繼照堂

按宋史真宗本紀云云

按玉海繼照堂在開封府廨東真宗尹京府曰太宗

命射堂射祥符三年閏二月二十四日丁卯上

幸開封府射堂射祥符從臣曰朕昔尹京先帝爲

瑞殿

按宋史真宗本紀二年秋七月以萬安宮爲滋福殿

按玉海咸平二年閏三月丁亥宰臣張齊賢等言漢

制帝母稱長樂宮唐穆宗郭太后居興慶宮敬宗王

太后居義安宮文宗肅太后居積慶宮今請命有司

爲皇太后建宮立名詔以萬安宮爲名遂以滋福殿

爲宮祥符二年以萬安宮爲滋福殿祥符二年正

月七日癸亥對宗室輔臣於後地使殿賜太常舞

還其於崇聖殿以封禪慶成故也崇政殿後改爲嘉

瑞殿以後施產變遷故也

大中祥符三年春二月以射堂爲繼照堂

按宋史真宗本紀云云

按玉海繼照堂在開封府廨東真宗尹京府曰太宗

命射堂射祥符三年閏二月二十四日丁卯上

幸開封府射堂射祥符從臣曰朕昔尹京先帝爲

樂許士庶遊觀三月初督是堂西有井將臺之上曰
必有神龍潛發命覆巨石未幾果有龍躍出至是人
作使張文邀叙其事

大中祥符四年春二月作大軍宮

按宋史真宗本紀四年春二月辛酉祀后土地祇是
夜月重輪還奉祇宮紫氣四塞幸開元寺作大軍宮
大中祥符五年秋七月作保康門冬十二月作景靈
宮

按宋史真宗本紀云云

大中祥符七年建南京歸德殿及鴻慶宮又詔改東
京諸殿門名

按宋史真宗本紀云云 按地理志大中祥符七年
建應天府爲南京宮城周二里三百一十六步門曰
重熙順慶殿曰歸德

按宋史真宗本紀云云 按地理志大中祥符七年
建應天府爲南京宮城周二里三百一十六步門曰
重熙順慶殿曰歸德

按宋史地理志東京宮殿凡殿有門者皆隨殿名宮
中又有延慶殿

舊名萬歲大中祥符七年改

大中祥符八年改正殿東西門名

按宋史真宗本紀不載 按地理志正南門內正殿
曰大慶東西門曰左右太和

朱初曰日華月華大中祥符八年改今名

大中祥符九年詔以皇子就學之所名資善堂

按宋史真宗本紀云云

按玉海資善堂在元符觀南大中祥符八年置仁宗
肄學之所祥符九年二月甲午詔以元符觀南皇子
就學新堂互以資善爲名因製記詔曰利建元子舉

開龍潛將樂善之規式務從師之教養惟丹榮鳳
敞清都就茲曲密之庭以爲福祿之地命晏殊崔遵
度爲記室各議入內押班周懷正爲都監入內供奉
官楊懷玉爲書卷郡王仲讓仍面戒堂中無得戲笑
及陳玩弄之具庶事由禮使王觀近僚友四年從御

府北十月乙卯資善堂上梁太子會僚觀之十一
月庚午御札中書密院常務令宰臣與太子就資善
堂會議王申輔臣見皇太子於堂十二月九日乙酉
詔雙日承明殿不視事中書樞密院詣資善堂議事

辛丑太子會師傳官寮於是宴賜教坊樂
天禧四年名滑州碑殿爲乾文殿

按宋史真宗本紀不載

按玉海四年二月癸未朔名滑州福寧院奉安御製
碑殿曰乾文

天禧五年春三月建天章閣秋七月作萬壽殿

按宋史真宗本紀五年秋七月新作景靈宮萬壽殿
按玉海天章閣天禧五年三月建以奉真宗御集下
有羣玉藥珠二殿

仁宗天聖元年修奉真殿

按宋史仁宗本紀不載

按玉海奉真殿景靈宮實舊晉邸真宗誕生之地天
聖元年三月修奉真殿奉真宗聖像
天聖二年建長寧宮

按宋史仁宗本紀不載 按地理志天聖二年延福
宮北建長寧宮內有太清玉清中和集福會祥五殿
及降真閣

天聖四年建崇真殿

按宋史仁宗本紀不載

按玉海崇真殿應奉寺天聖四年閏五月建殿飛白
書額五年十月癸酉奉安真宗御容
天聖八年作會聖宮建開先殿

按宋史仁宗本紀八年春正月辛巳作會聖宮於西
京永安殿

按玉海開先殿天聖八年三月建太祖神御殿於太
平興國寺之後十月壬辰奉安九年二月癸未命晏
殊爲碑

明道元年修大內及改諸殿堂名

按宋史仁宗本紀元年秋八月壬戌大內火延八殿
癸亥移御延福宮甲子以呂夷簡爲修內使九月丙
申皇太后出金銀器易左藏緡錢二十萬以助修內
冬十一月甲戌以修內成恭謝天地於大安殿 按
地理志西華門內一門曰右承天左承天門內道北
門曰宣祐

舊名光天大中祥符八年改太寧明道元年改今
名

兩掖門曰東西上閣東西門曰左右嘉福

朱初曰左右勤政明道元年十月改今名

大慶殿北有紫宸殿視朝之前殿也

舊名崇德明道元年改

西有垂拱殿常日視朝之所也

古今圖書集成

舊名長春明道元年改

大西有皇儀殿

開寶四年賜名滋福明道元年十月改

又大西有集英殿舊殿也

舊名廣政開寶三年曰大明淳化間曰含光大中

祥符八年名會慶明道元年十月改今名

東有昇平樓宮中觀宴之所也

舊名紫雲明道元年改

宮中又有清景慶室玉京等殿壽寧堂

清淨明道元年改

福寧殿

即延慶明道元年改

寶文閣東西有嘉德延康二殿前有景輝門後苑東

門曰華陽

即宣和門明道元年改

苑內有崇聖殿太清樓其西又有宣聖化成殿

即紫宸殿明道元年改

廣聖宮內有太清玉清冲和集福會祥五殿建流盃

殿於後苑

明道元年八月修文德殿成是夜禁中火延燔崇

德長春滋福會慶延慶崇徽天和承明八殿命宰

相呂夷簡爲修葺大內使樞密副使楊崇勳副之

發京東西河北淮南江東西路工匠拾役內出乘

輿物左藏庫易緡錢二十萬助其費以故改諸殿

名

按玉海明道元年十月改王宸殿曰化成殿四方貢

珍果常貯此殿 皇儀殿舊曰明德滋德在垂拱殿

西開寶四年三月丙申改滋福咸平三年明德太后

居之號萬安宮萬安殿祥符七年復爲殿明道元年

十月甲辰改皇儀 紫宸殿舊名崇德殿在宣祐門

西明道元年十月甲辰改紫宸即視朝之前殿每誕

節稱觴及朔望御此殿 紫宸西垂拱殿門其東北

角門通紫宸殿每日樞密使以下立班殿庭候傳宣

不坐即赴垂拱殿起居垂拱舊曰長春明道元年十

月改勤政十一月改垂拱舊錄云明道元年十月甲

辰改長春殿曰垂拱殿即常日視朝之所節度使契

丹使辭見亦宴此殿 集英殿舊曰元德亦曰廣政

開寶三年改大明淳化元年二月己酉改含元祥符

八年六月十五日甲子改會慶明道元年十月甲辰

改元和尋改今名春秋誕聖節錫宴此殿熙寧以後

親策進士於此殿殿後有需雲殿東有紫雲樓宮中

觀宴之所也 福聖殿明道中奉眞宗御容 宮中

有清淨堂明道元年十月改曰壽寧明道中奉太祖

御容

明道二年改景福殿爲端明殿

按宋史仁宗本紀不載 按地理志崇政殿後有景

福殿西有殿北向日延和便坐殿也

大中祥符七年建後苑東門泊北向便殿成賜名

宣和門承明殿明道元年改端明二年改今名

景祐元年改天安殿爲太慶端明殿爲延和并名楊

太后居爲慈德殿

按宋史仁宗本紀不載 按地理志太慶殿

舊名崇元乾德四年重修改曰乾元太平興國九

年改朝元大中祥符八年改天安明道三年改今

名按宋史仁宗本紀明道

三年改景祐元年

按玉海太慶殿梁曰崇元乾德四年四月重修改乾

元太平興國九年五月殿災改朝元大中祥符八年

四月殿災六月己酉改天安景祐元年改太慶

地理志作明道三年

殿九間扶各五間東西廊各六十間有龍墀沙墀正

至朝會開尊號御此殿崇明堂恭肅天地即此殿行

禮郊祀齋宿殿之後開蓋正殿也 延和殿在景福

殿南祥符七年建十月戊午賜名承明章獻垂簾恭

決朝政於此明道元年十月甲辰改明眞尋改端明

景祐元年改延和殿

按宋史地理志慈德殿

楊太后所居景祐元年賜名

景祐二年置通英延義閣及觀稼等殿

按宋史仁宗本紀春正月癸丑置通英延義二閣寫

尚書無逸篇於屏 按地理志延義閣

在崇政殿內

通英閣

在崇政殿西南童侍臣講讀之所也與延義同景

祐三年賜名

觀稼殿

在後苑觀種稻景祐二年創建

苑西有金華西涼清心等殿翔鳳儀鳳二閣華景翠

芳瑞澤三亭延福宮有穆清殿延慶殿北有榮儀殿

初有殿無名章獻太后名曰崇徽明道元年改寶

慈景祐二年改今名

按玉海福寧殿在垂拱殿後國初曰萬歲祥符七年

十月戊午改延慶明道元年十月甲辰改福寧殿即
正殿後柔儀殿初但名萬歲後殿章獻后居之名
崇徽明道元年十月甲辰改實慈寧二年改柔儀
西宮在天章閣東景祐二年三月辛丑重修
按宋史地理志延福宮北有廣聖宮
天聖二年建名長寧景祐二年改
按玉海景祐二年改長寧宮曰廣聖降其閣曰崇真
宮在禁中前殿有道家天神之像後起觀閣奉真宗
神御
景祐四年改保慶殿為慈德名莊惠后真容殿為廣
愛
按宋史仁宗本紀不載
按玉海保慶殿章惠太后居之景祐四年改慈德
三月乙亥莊惠后真容殿為廣愛己卯奉安庚辰酌
獻
寶元元年改萬春閣為延春閣
按宋史仁宗本紀不載 按地理志延春閣
舊名萬春寶元元年改
慶曆元年改壽昌閣為寶文閣
按宋史仁宗本紀不載 按地理志寶文閣
即壽昌閣慶曆元年改
慶曆二年修北京宮殿
按宋史仁宗本紀二年八月戊子出內藏庫錢十
萬修北京行宮 按地理志慶曆二年建大名府為
北京宮城周三里一百九十八步即真宗駐蹕行宮
城南三門中曰順澤東曰省風西曰展義東一門曰
東安西一門曰西安順澤門內東西各一門曰左右

保成次北班瑞殿殿前東西門一東曰凝祥西曰麗
澤殿東南時巡殿門次北時巡殿次增方殿次慶寧
殿時巡殿前東西門一東曰景清西曰景和
按玉海慶曆二年五月十六日戊午詔升大名府為
北京先朝駐蹕行宮正殿為班瑞殿七月以行宮中
門為順澤尋以行宮便殿為靖方殿又有時巡慶寧
殿
慶曆六年重修開先殿
按宋史仁宗本紀不載
按玉海開先殿慶曆六年八月重修乙亥飛白書榜
慶曆八年詔以舊延恩殿為觀文殿
按宋史仁宗本紀不載 按地理志宮中有安福觀
文殿
舊名集聖明道二年改肅儀慶曆八年改今名
按玉海觀文殿舊曰延恩祥符五年十二月二十四
日聖祖降此殿閣十月壬申晁迥等請改殿名改真
游十二月作真游殿額七年七月二十八日壬子奉
政下諸請御書真游殿額十一月乙酉奉安殿額十
月戊午名真游殿西門曰延真其東真君殿曰寶慶
萬歲殿曰延慶東西門曰左右昭慶後殿曰崇政北
向殿曰承明後苑東曰宜和又改為集聖明道二
年十一月丁丑改為內外命婦客舍名肅儀慶曆八
年五月乙巳以紫宸不可為官稱詔以舊延恩殿為
觀文殿改紫宸殿學士為觀文殿學士
皇祐二年名揚州章武殿為神武
按宋史仁宗本紀不載
按玉海建隆元年十一月丁未親征李重進至揚州

二年正月詔以行宮為建隆觀祥符五年建殿景祐
四年別建殿名章武皇祐二年五月庚寅改名神武
皇祐三年作隆儀殿
按宋史仁宗本紀不載 按地理志隆儀殿
邇英閣後小殿皇祐三年始賜名
按玉海皇祐三年十月作隆儀殿初詔丁度等撰邇
英閣後小殿名乙酉度等請名隆儀詢飲清燕詔以
隆儀為名
皇祐五年建滁州端命殿并州統平殿瀘州武信殿
按宋史仁宗本紀五年春三月癸亥遣使奉安太祖
御容於滁州太宗御容於并州真宗御容於瀘州
按玉海皇祐五年三月仁宗宣諭曰恭惟太祖擒皇
甫驪於滁州是受命之端也太宗平劉繼元於并州
是太平之統也甲子乃詔滁州因舊寺建殿命曰端
命命宰相屬繕奉安太祖御容并州因崇聖寺命殿
曰統平命樞密使王貽永奉安太宗御容
太宗御容以四月二十七日奉安帝閣之曰太宗
以是月日至城下有此符合寺本行宮賜名平晉
大中祥符二年改今名
又曰恭惟真宗禦契丹於瀘州是備武之信也宜即
瀘州舊寺建殿名曰武信命樞密高若訥奉安真宗
御容
皇祐間滁州通判殿中丞王靖言太祖皇帝擒皇
甫驪於滁州太宗下劉繼元於并州真宗禦契丹
於瀘州皆宜立廟以昭遠烈於是就芳林園命工
部寫三聖御容臨赴逐州皇祐五年三月十四日
甲子太祖御容赴滁州奉安於大慶觀端命殿太

一ノ口口三ノ口口

宗御客赴并州奉安於資聖禪院統平殿具宗御
客赴瀘州奉安於開福禪院武信殿

至和二年建延聖殿

按宋史仁宗本紀不載

按玉海至和二年正月丁卯奉安具宗金像於延聖

殿

嘉祐四年修潛龍宮

按宋史仁宗本紀不載

按玉海四年修潛龍宮具宗爲開封府尹時屏舍也

嘉祐六年建宋宗殿名汴口碑殿爲崇訓殿

按宋史仁宗本紀不載

按玉海嘉祐六年十一月崇先觀成建是殿以奉真

宗御容戊辰以汴口新修靈津廟碑殿爲崇訓殿

嘉祐七年作凝機殿

按宋史仁宗本紀不載

按玉海嘉祐七年三月乙亥作凝機殿於禁中

欲儲思清間時起此殿

嘉祐八年英宗即位改舊位爲慶寧宮

按宋史英宗本紀不載

按玉海七年十一月戊辰皇子遷新位嘉祐八年英

宗即位九月庚戌以舊位名典慶宮臣言唐有此

宮名九年十二月改名慶寧

會要又云在議門內南廊治平二年賜名有閣藏

御書籍二月十一日呂公著請俟既郊歲豐乃修

從之

英宗治平元年建孝嚴殿名皇太后宮殿爲慈壽改

明福殿爲迎釐

按宋史英宗本紀元年五月丙辰上皇太后宮殿名
曰慈壽 按地理志慈壽殿

皇太后所居治平元年賜名

按玉海治平元年七月二十一日中書門下表言在

漢之隆實居長樂有唐之盛亦闡義安請以皇太后

所居爲慈壽宮殿爲慈壽殿

實錄云五月丙辰上皇太后宮殿名曰慈壽

孝嚴殿治平元年建於景靈宮之西南奉仁宗神御

圖大臣於壁別殿日事具十二月名輔臣觀御蒙勝

於迎陽門 明福殿景靈宮齋殿治平元年九月改

爲迎釐

治平二年改清居殿日欽明名神御殿日景寧

按宋史英宗本紀不載 按地理志崇徽殿北有欽

明殿

舊名天和明道元年改觀文又改清居治平三年

改今名

按玉海舊日天和明道元年十月甲辰改觀文後改

日清居治平三年六月二十九日壬子改清居殿日

欽明命直龍圖閣王廣淵書洪範一篇於屏時帝謂

廣淵曰先帝臨御天下四十年天下承平得以無爲

朕方屬多事豈敢自逸故改此殿名因訪廣淵先儒

論洪範得失廣淵對以張景所得最深以景論七篇

進其日名對延和殿帝日景所說過先儒遠矣以三

德爲御臣之柄尤爲善論朕接臣下常謙柔聽納之

間則自以剛斷此屏置之坐右豈特無違之戒也賜

廣淵御紙筆墨黃金 內中神御殿治平三年正月

名景寧

治平四年建英德殿

按宋史神宗本紀不載

按玉海英德殿奉仁英二宗神御治平末建於景靈

宮

神宗熙寧元年作慶寧寶慈二宮

按宋史神宗本紀元年三月戊子作太皇太后慶寧

宮皇太后寶慈宮

按玉海元年三月十五日戊子中書門下言太皇太

后宮殿請以慶寧爲名皇太后宮殿請以寶慈爲名

從之後慶寧宮建慶寧奉德二殿寶慈宮建寶慈似

徽二殿

熙寧三年起神藻殿

按宋史神宗本紀不載

按玉海熙寧三年閏十一月二十三日起神藻殿昭

奉真宗御容

熙寧四年作中太一宮又作玉華殿

按宋史神宗本紀四年冬十一月丁亥作中太一宮

按玉海熙寧四年後苑作玉華殿

熙寧七年作基春殿

按宋史神宗本紀不載 按地理志基春殿

熙寧七年建在玉華殿後

按玉海熙寧七年玉華殿後作山亭祥雲閣基春殿

熙寧八年建慶思殿

按宋史神宗本紀不載 按地理志慶思殿

熙寧八年夏

按玉海熙寧八年建慶思殿

熙寧十年改宮城諸門名

按宋史神宗本紀不載 按地理志宮城周迴五里南二門東曰左掖西曰右掖東西面門曰東華西華舊名寬仁神獸開寶三年改今名熙寧十年又改東華門北曰環門北一門曰拱宸

舊名元武大中祥符五年改今名熙寧十年改門內西橫門曰臨華

熙寧 年改理華殿爲需雲殿又改長慶門曰嘉禧按宋史神宗本紀不載 按地理志嘉禧殿後有需雲殿

舊名玉華後改理華熙寧初改今名

乾元門內正南門曰大慶東西橫門曰左右升龍左右北門內各二門曰左右長慶

熙寧間改左右長慶隔門曰左右嘉禧元豐三年建承極殿

按宋史神宗本紀不載 按地理志承極殿元豐三年建

元豐五年景靈宮成又建燕寧殿按宋史神宗本紀五年冬十一月壬午景靈宮成告遷祖宗神御

按玉海燕寧殿元豐五年建以奉仁皇慈聖御容哲宗元祐元年建崇慶隆祐二宮殿

按宋史哲宗本紀元年春二月丁未羣臣上太皇太后宮曰崇慶殿曰崇慶壽康皇太后宮曰隆祐殿曰隆祐慈徽 按地理志崇慶隆祐二宮

元祐元年建

按玉海元祐元年閏二月十九日丁未詔曰漢家致

孝有朝夕供御之廷唐室承顏殿歲時慶賀之禮遠於列聖咸有舊章建太皇太后宮曰崇慶殿曰崇慶萬康皇太后宮曰隆祐殿曰隆祐慈徽紹聖元年詔改隆祐宮爲慈德宮

按宋史哲宗本紀不載

按玉海紹聖元年閏四月十八日詔改隆祐宮曰慈德宮前殿曰慈德中曰仁明後曰壽昌紹聖二年上聖瑞等宮名又宣和殿成并賜慶成宮名

按宋史哲宗本紀二年五月乙卯上皇太妃宮名曰聖瑞

按玉海紹聖二年五月以皇太妃宮爲聖瑞宮昭懷劉后宮曰崇恩顯肅后宮曰聖德 哲宗以睿思殿先帝所建不敢燕處乃即睿思之後爲宣和殿紹聖二年四月二日丁卯宣和殿成

按宋史地理志慶成宮

神宗所居東宮紹聖一年賜名

元符三年以懿親宅爲龍德宮

按宋史哲宗本紀三年正月徽宗即位二月辛酉名懿親宅潛邸曰龍德宮

按玉海二月辛酉徽宗詔懿親潛邸名龍德宮有申福祥祥二殿

元符 年建玉虛殿

按宋史哲宗本紀不載 按地理志玉虛殿元符初建

徽宗建中靖國元年改顯謨閣曰熙明

按宋史徽宗本紀不載 按地理志顯謨閣

元符元年建藏神宗御集建中靖國元年改曰熙明尋復舊

崇寧 年復作宣和殿

按宋史徽宗本紀不載 按地理志宣和殿在睿思殿後紹聖二年四月殿成其東側別有小殿曰凝芳其西曰瓊芳前曰重熙後曰環碧元符三年廢崇寧初復作大觀三年徽宗製刻石實

蔡京爲之

大觀 年建玉華閣

按宋史徽宗本紀不載 按地理志玉華閣大觀初建在宣和殿後

政和元年建觀鑑宮

按宋史徽宗本紀不載 按地理志觀鑑宮政和元年建

政和三年作保和殿及延福等宮

按宋史徽宗本紀三年夏四月戊子作保和殿乙巳以福寧殿東建玉清和陽宮 按地理志燕寧殿在延福北建安仁宗慈聖光獻皇后御容

延福宮

政和三年春新作於大內北拱辰門外舊宮在後苑之西南今其地乃百司供廩之所凡內酒坊裁造院油醋柴炭穀等庫悉移他處又遷兩僧寺兩軍營而作新宮焉始南向殿因宮名曰延福次

曰藥珠有亭曰碧琅玕其東門曰晨暉其西門曰麗澤宮左復列三位其殿則有穆清成平會寧廣

謨凝和麗玉臺玉其東閣則有惠觀報理蟠桃春錦曼璚芬芳麗玉臺香拂雲僊董翠葆鈴英雲錦

古今圖書集成

蘭惠摘金其西閣有繁英雪香披芳鉛華瓊華文綺絳萼瓊華絳綺瑤瑤清陰秋香幾玉扶玉絳雲會車之北疊石爲山山上有殿曰翠微旁爲二亭曰雲巖曰層巖之次閣曰明春其高踰一百一十八尺閣之側爲殿二曰玉英曰玉潤其背附城築土植杏名曰杏園覆茅爲亭修竹萬竿引流其下宮之右爲佐二閣曰真春廣十有二丈舞臺四列山亭三峙鑿圓池爲海跨海爲二亭架石梁以升山亭曰飛華橫度之四百尺有奇縱數之二百六十有七尺又疏泉爲湖湖中作隄以接亭隄中作梁以通湖梁之上又爲茅亭崔嵬壯麗若孔翠諸欄蹄尾動數千嘉花名木類聚區別幽勝宛若生成西抵麗澤不類塵境初蔡京命童貫楊戩賈詳監從熙何訢等分任宮役五人者因各爲制度不務沿襲故號延福五位東西配大內南北稍劣其東直景龍門西抵天波門宮東西二橫門皆觀禁門注所謂展曙麗澤者也而麗澤門出入最多其後又跨舊城修築號延福第六位跨城之外浚濠深者水三尺東景龍門橋西天波門橋二橋之下疊石爲固引舟相過而橋上人物外自通行不覺也名曰景龍江其後又闢之東過景龍門至封丘門景龍江北有龍德宮初元符三年以懿親宅潛邸爲之及作景龍江江夾岸皆奇石珍木殿宇比比對峙中塗曰宜春堂絕岸至龍德宮其地歲時次第展拓後盡都城一隅焉名曰顯芳園山水美秀林麓暢茂樓觀參差猶良嶽延福也宮在舊城因附見此

保和殿

政和三年四月作九月殿成總爲屋七十五間政和四年神御殿成

按宋史徽宗本紀四年冬十二月己酉以禁中神御殿成減天下囚罪一等

政和五年夏四月作樸真宮改集賢殿爲右文殿

按宋史徽宗本紀云云

按玉海五年四月十日詔秘書省殿以右文爲名改集賢殿修撰爲右文殿修撰

按宋史地理志上清寶錄宮

政和五年作在景龍門東對景龍門既又作仁濟輔正二亭於宮前命道士施民符築徽宗時登皇城下視之又開景龍門城上作複道通寶錄宮以便齋醮之路徽宗數從複道上往來是年十二月始張燈於景龍門上下名曰預賞其明年乃有期門之事

政和六年秋九月西內成

按宋史徽宗本紀六年九月辛卯以西內成曲赦京西

政和七年春二月改天章萬壽觀爲神霄玉清萬壽宮夏五月改玉清和陽宮爲玉清神霄宮

按宋史徽宗本紀云云按地理志玉清神霄宮

政和三年建舊名玉清和陽在福寧殿東七年改今名

政和八年龍德太一宮成

按宋史徽宗本紀不載

按玉海陸紹之記曰政和八年戊戌之歲龍德太一

宮告成直都城之西北隅實龍潛之舊邸也仰華宸極一新祠庭前殿曰黃祕之殿次曰悅元之殿次曰神呪之殿門曰黃祕之門高真象設次第分棟宇

樛轉疊檐飛簷棧金浮翠蔚鼓端嶺遠而望之祥煙佳氣若與慶霄連接上下既成鑾輿幸焉躬執薦告之禮祈爲蒼生致福已而數大有於天又詔儒臣爲之記

重和元年建宣和後殿

按宋史徽宗本紀不載

按玉海徽宗晝日不居麗殿以唐思殿爲講讀進膳之所就宣和殿宴息重和元年改元宣和乃更爲保和殿宣和之後殿重和元年所耕也

欽宗靖康元年三月改福景園爲寧德宮

按宋史欽宗本紀元年三月丙子改福景園爲寧德宮乙酉迎道君皇帝於宜春苑太后入居寧德宮

宋有天下建都汴京其宮闕制度觀漢略存簡素

按玉海東京大內據闕城之西北宮城周回五里南三門曰宜德左掖右掖東一門曰東華西曰西華北

曰拱宸宜德門內南門曰大慶正殿曰大慶次北文德殿門次文德殿殿東南隅有鼓樓漏屋西南角樓

殿次北門曰左右銀臺西紫宸殿次西垂拱殿其後福寧殿次後柔儀殿欽明殿其西睿思殿福寧殿東慶壽宮慶壽宮德二殿福寧殿西寶慈宮寶慈殿

二殿福寧殿後坤寧殿凡禁中殿閣有嘉慶殿觀文殿延真門積慶殿感興閣福聖殿慶壽宮慶雲殿玉

京殿清景殿西涼殿慈德殿景寧殿垂拱殿門次西

皇儀殿次西集英殿殿後雲臺殿東有昇平樓廊北

龍圖閣東序資政崇和二殿西序宣德述古二殿其
北天章閣閣東序華玉藻珠二殿次北寶文閣閣
東西序嘉德延康二殿東華門外西北廊元符觀有
講道門內南廊慶寧宮西華門內延福宮清寧宮
性智三殿次北廣聖宮宣祐門內東廊次北養善堂
講道所西廊次北崇政殿殿東西延養通英二閣閣
後隆儀殿次北景福殿殿南延和殿殿西北迎陽門
門內後苑有太清樓延春閣鳳凰閣二閣宣聖殿
嘉瑞宣明安福寶岐化成金華清心流杯清輝觀祿
殿華景翠芳亭浮洋亭象流山池
按石林燕語大慶殿初名乾元太平興國祥符中皆
因大改為朝元天安昇祐中方改今名有龍埋沙堤
凡正日至大朝會策尊號則御駕郊祀大禮則駕宿
於殿之後閣百官為次宿於前之兩廊皇祐初始行
明堂之禮又以明堂仁宗御明堂二字每行禮
則旋據之事已復去 崇寧殿在大慶殿之後少西
其次又為垂拱殿自大慶殿後崇寧殿垂拱之兩閣有
柱廊相通每月視朝則御文德所兩閣也東西閣
門皆在殿後之兩旁月朔不遇殿則御紫宸所入
閣也月朔以誕節郊廟禮成受賀昇丹辭見亦皆御
紫宸文德遇受冊冊明堂宣赦亦御而不常用宜
麻不御殿而百官即庭下聽之紫宸不受賀而拜未
稱賀則於東上閣門內未赴景靈宮先進名奉慰
則於西上閣門內既庭下拜而授閣門使蓋以閣不
以殿也惟垂拱為日御朝之所 崇寧殿舊大明殿
也明道中改今名每春秋大燕皆在此太祖嘗御東
制科舉人故後為進士殿試之所其東廊後有樓曰

昇平舊紫雲樓也每大燕則宮中並而觀焉皇儀殿
舊名滋福咸平太宗明德皇后居之以為萬安宮后
崩復舊明道中改今名故常廢而不用以為治后喪
之所

按東京夢華錄大內正門宣德樓利五門門皆金釘
朱漆壁皆磚石間覺鑄鐵龍鳳雲之狀其非雕畫
畫棟峻峭層樓覆以琉璃瓦曲尺梁棟朱欄彩檻下
列兩閣亭相對悉用朱紅收子入宣德樓正門乃大
慶殿殿設兩樓如寺院鐘樓上有太史局保章正測
驗刻漏逐時時刻執牙牌奏每遇大禮車駕宿及正
朔朝會於此殿殿外左右橫門曰左右長慶門內城
南壁有門三座係大朝會趨朝路宣德樓左曰左掖
門右曰右掖門左掖門裏乃明堂右掖門裏西去乃
天章寶文等閣宮城至北廊約百餘丈入門東去街
北廊乃樞密院次中書省次都堂宰相退治事於
此大門下省次大慶殿外廊橫門北去百餘步又一
橫門每日幸執趨朝此處下馬餘侍從盡謀於第一
橫門下馬行至文德殿入第二橫門東廊大慶殿東
偏門西廊中書門下後省次修國史院次南角小角
門正對文德殿殿前東西大街東出東華門西出西
華門近裏又兩門相對左右嘉慶門也南去左右銀
臺門自東華門裏皇太子宮入嘉慶門街南大慶殿
後門東西上閣門街北宣祐門南北大街西廊面東
曰景福殿乃通會通門入禁中夾殿相對東廊門樓
乃殿中省六尚局御廚殿上常列禁衛兩重時刻提
警出入甚嚴近裏皆近侍中書殿之外皆知省御藥
幕次快行親從官轎官車子院寶院子內諸司兵士

經濟集編考工典第四十二卷宮殿部

祇候宣喚及官禁買賣進貢皆由此入唯此浩穰諸
司人自賈飲食珍奇之物市井之間未有也每遇早
晚進膳自殿中省對延輝殿禁衛成列約欄不得過
往省門上有一人呼喝謂之撥食家次有禁衣裏脚
子向後曲折頓頭者謂之院子家托一合用黃羅籠
合衣籠罩左手攜一紅羅縐手巾進入於此約十餘
合繼托金瓜合二十餘面進入非時取喚謂之泛索
宣祐門外西去紫宸殿次曰文德殿次曰垂拱殿次
曰皇儀殿次曰集英殿殿後殿曰崇政殿保和殿內書
閣曰善思殿殿後門曰拱辰門東華門外市井最盛蓋
禁中買賣在此

按輟耕錄使楊文意公頃字煥然乾州奉天人
嘗作汴故宮記云己亥春三月按部至於汴汴長史
宴於慶宮之長生殿樓後世無以考為其大概云
皇城南外門曰南薰南城之北新城門曰豐宜橋曰
龍津橋北曰丹鳳而其門三丹鳳北曰州橋橋少北
曰文武樓道御路而北橫街也東曰太廟西曰郊社
正北曰承天門而其門五雙闕前引東曰登聞檢院
西曰登聞鼓院檢院之東曰左掖門門之南曰待漏
院鼓院之西曰右掖門門之南曰都堂承天之北曰
大慶門而日精門左昇平門居其東月華門右昇平
門居其西正殿曰大慶殿東曰嘉福樓西廊曰嘉
瑞樓大慶之後曰德儀殿德儀之東曰左昇龍門西
曰右昇龍門正門曰龍德曰黃龍曰丹墀曰隆德殿
隆德之左曰東上閣門右曰西上閣門皆南嚮東西
二樓鐘鼓之所在鼓在東鐘在西隆德之次曰仁安
門仁安殿東則內侍局內侍之東曰近侍局近侍之

一
八
四
三
一
月

東曰殿祗門宮中則曰徽合門少南曰東樓即授除樓也西曰西樓仁安之次曰純和殿正殿也純和西曰雪香亭雪香之北后妃位也有樓樓西曰瓊香亭亭西曰涼位有樓樓北少西曰玉清殿純和之次曰寧福殿寧福之後曰苑門由苑門而北曰仁智殿有二大石左曰敷錫神運萬歲峯右曰玉京獨秀太平殿殿曰山莊莊之西南曰翠微閣苑門東曰仙韶院院北曰湧翠峯峯之洞曰大赫湧翠東連長生殿殿東曰湧金殿湧金之東曰蓬萊殿長生西洋玉殿浮玉之西曰瀛洲殿長生之南曰閔武殿閔武南曰內藏庫由殿祗門東曰尚食局尚食東曰宣徽院宣徽北曰御藥院御藥北曰右藏庫右藏之東曰左藏宣徽東曰點檢司點檢北曰秘書監秘書北曰學士院學士之北曰諫院諫院之北曰武器署點檢之南曰儀鸞局儀鸞之南曰尚輦局宣徽之南曰拱衛司拱衛之南曰尚衣局尚衣之南曰紫微門紫微南曰安泰門安泰西與左升龍門直東則壽聖宮兩宮太后位本明俊殿試進士之所宮北曰徽音殿徽音之北曰燕壽殿燕壽殿垣後少西曰養福衛司東曰中衛尉司儀鸞之東曰小東華門更漏在局中衛尉司東曰祗肅門祗肅門東少南曰將軍司徵音壽聖之東曰太后苑苑之殿曰慶春慶春與燕壽並小東華與正東華對東華門內正北尚輦局尚輦西北曰臨武殿左掖門正北尚食局局南曰官苑司官苑司西北曰尚醴局湯藥局侍儀司少西曰符寶局符寶局西則徽合門昇瑞樓西曰三廟正殿曰德昌東曰文昭殿西曰光興殿並南嚮德昌之後宜宗廟也宮西門

曰西華與東華直其北門曰安貞二大石外凡花石臺榭池亭之細並不錄觀其制度簡素比土階茅茨則過矣觀漢之所謂千門萬戶朱壁華麗之室則無有也然後之人因其制度而損益之以求其稱斯可矣

古今圖書集成

爲集英垂拱以故內諸司地爲之在皇城東北 崇政臺拱二殿其修廣僅如大郡之設應淳熙再修其亦備其舊每殿爲屋五間十二架修六丈廣八丈四尺殿南廊屋三間修一丈五尺廣亦如之兩朵殿各二間東西廊各二十間南廊九間其中爲殿門三間六架修三丈廣四丈六尺殿後擁舍七間孝宗因以爲延和殿蓋卑宮室之意殿後仍舊謂之福寧苑中亭殿名稱可見者僅有復古殿損齋觀堂芙蓉閣翠雲堂清華閣羅木堂隱岫澄碧倚桂應秀碧琳堂之類

紹興十五年創欽先孝思殿

按宋史高宗本紀不載 按地理志欽先孝思殿

紹興十五年建在學政殿東

按玉海內中神御殿東都有之紹興十五年秋始創於崇政殿之東凡朔望節序生辰酌獻行香用家人禮

紹興二十六年作純福殿

按宋史高宗本紀不載

按玉海紹興二十六年六月丁亥作皇帝本命殿於萬壽觀依在京以純福爲名

紹興二十八年增築皇城重修朝射垂拱三殿

按宋史高宗本紀不載

按玉海紹興二十八年六月八日增築皇城東南之外城九月二十二日名新南門曰嘉會 又按玉海

紹興二十八年九月甲子重修朝射垂拱三殿成

紹興三十二年名新宮曰德壽宮始建東宮

按宋史高宗本紀三十二年夏六月戊辰名新宮曰

德壽宮 按輿服志皇太子宮曰東宮其未出閣但聽讀於資善堂在宮門內已受冊則居東宮宮在麗正門內紹興三十二年始置孝宗居之莊文太子立復居之光宗爲太子孝宗謂輔臣曰今後東宮不須務建康宮中宮殿多所不御可移修之自是皆不別建

按玉海先是以太極宮爲新宮三十二年六月戊辰名曰德壽丙子太上皇內禪即日駕之德壽宮

在大內之北望仙橋東

紹興 年建損齋

按宋史高宗本紀不載 按地理志損齋

紹興末建貯經史書爲燕坐之所

孝宗乾道元年詔執政詣德殿奏事

按宋史孝宗本紀不載

按玉海孝宗皇帝開便殿於禁垣之東名曰退德規模宏壯敷延文武講論治道詢求民隱至於中外奏報若軍國機務皆於此省決暇則細繹經傳或親御

弧矢雖大寒暑不廢因命周必大爲之記略 乾道元年五月三日詔執政每日召入東華門詣退德

殿奏事上欲從容論治故也

乾道九年重修後殿門

按宋史孝宗本紀不載

按玉海云云

淳熙二年始射堂

按宋史孝宗本紀不載 按輿服志淳熙二年始射

射堂一爲游藝之所園中有榮觀玉潤清賞等堂鳳

山樓皆宴息之地也嘉殿即周官大小次也東都時

郊壇大次謂之青城祀前一日宿齋詣焉其制中有二殿外有六門前曰奉禮後曰拱極東曰祥曦西曰景曜東偏曰承和西偏曰迎禧大殿曰端誠便殿曰熙成

淳熙六年作翠華堂

按宋史孝宗本紀不載 按地理志翠華堂

孝宗作

按玉海六年上作翠華堂於禁中以前日本松爲之不施丹雘書召宰輔趙鼎王淮奏事堂下古松數十清風徐來上曰林聲其清遠勝絲竹 苑中有傳觀堂碧射堂

淳熙八年改建延和殿

按宋史孝宗本紀八年九月丙辰更後殿樞大爲延和殿 按輿服志淳熙初孝宗始作射殿謂之延和

殿八年秋又改後殿擁舍爲別殿取舊名謂之延和殿便坐視事則御之他如紫宸文德集英大慶講武

惟隨時所御則易其名紫宸殿遇朔受朝則御焉文德殿降敕則御焉集英殿臨軒策士則御焉大慶殿

行開禮則御焉講武殿閱武則御焉其實垂拱崇政二殿權更其號而已二殿雖曰大殿其修廣僅如大

郡之設應淳熙再修其舊每殿爲屋五間十二架修六丈廣八丈四尺殿南廊屋三間修一丈五尺

廣亦如之兩朵殿各二間東西廊各二十間南廊九間其中爲殿門三間六架修三丈廣四丈六尺殿後

擁舍七間即爲延和其制尤卑階陛一級小如常人所居而已奉太上則有德壽宮直華宮壽康宮奉聖

母則有慈寧宮慈順宮壽慈宮德壽宮在大內北望

仙橋故又謂之北內紹興三十二年所造宮成詔以
 修舊宮為名高宗為上皇御之重華即德壽宮也孝
 宗遜位御之壽康宮即寧福殿也初丞相趙汝愚議
 以秘書省為奉寧宮已而不果行以慈懿皇后外第
 為之上皇不欲遷因以舊寧福殿為壽康宮光宗遜
 位御之大內苑中亭殿亦無增其名稱可見者僅有
 復古殿損齋觀堂芙蓉閣翠雲堂清華閣樺木堂隱
 岫澄碧倚佳隱秀碧琳堂之類此南內也北內苑中
 則有大池引西湖水注之其上疊石為山象飛來峰
 有樓曰聚遠禁禁周回東則香遠清深月臺梅坡松
 菊二徑清妍清新芙蓉閣南則載忻欣射廳臨賦
 樓錦至樂半丈紅清曠滴碧西則冷泉文杏館靜樂
 院溪北則絳華早船俯翠香桃盤松

淳熙十四年立議事堂
 按宋史孝宗本紀十四年冬十一月戊午詔皇太子
 參決庶務於議事堂

按玉海十四年十一月己亥詔皇太子參決庶務先
 是學士洪邁人對言天禧資善之詔可舉行也至是
 詔右相周必大討論資善堂典禮必大奏天禧時仁
 宗尚幼始見輔臣恐不可用西晉有宣猷堂今作議
 事堂可也

淳熙十五年上慈福宮名建煥章閣
 按宋史孝宗本紀十五年秋九月甲寅上皇太后宮
 名慈福十一月庚子建煥章閣藏高宗御集

按玉海淳熙十五年八月五日擬進皇太后宮名曰
 慈福

淳熙十六年詔改德壽宮為重華宮

按宋史孝宗本紀十六年春正月己未更德壽宮為
 重華宮

按玉海十六年正月己未詔德壽宮改為重華宮二
 月壬戌內禪移御

光宗紹熙五年寧宗即位改重華宮為慈福宮建壽
 成皇后殿更建泰安宮福寧殿

按宋史光宗本紀五年寧宗即位六月詔改重華宮
 為慈福宮建壽成皇后殿七月詔建泰安宮以奉太
 上皇太上皇后戊寅詔秋暑太上皇未須移御即以
 寢殿為泰安宮冬十月己丑更泰安宮為壽康宮建
 福寧殿

寧宗慶元二年建華文閣
 按宋史寧宗本紀二年五月建華文閣以藏孝宗御
 集

慶元五年創玉堂殿
 按宋史寧宗本紀不載

按玉海慶元五年九月二十一日詔學士院創玉堂
 殿止以玉堂為名

理宗紹定六年緡熙殿成
 按宋史理宗本紀六年秋九月辛酉緡熙官請以御
 製敬天法祖事親齊家四十八條及緡熙殿榜記宣
 付史館

按玉海紹定五年十一月二十七日御製敬天命法
 祖宗事親齊家而下凡四十八條詔講讀說書官撰
 箴辭明年六月甲午緡熙殿成御書緡熙二字榜之
 親為記文以所製箴辭親酒宸翰列殿上備覽觀

度宗咸淳元年夏六月乙酉名理宗御製閣曰顯文

置學士直學士符制直閣等官

按宋史度宗本紀云云

宋中興建行宮於杭州治宮殿視汴京尤朴
 按宋史與服志宮室汴宋之制侈而不可以訓中興
 服御惟務簡省宮殿尤朴皇帝之居曰殿總曰大內
 又曰南內本杭州治也紹興初創為之休兵後始作
 崇政垂拱二殿久之又作天章等六閣寢殿曰福寧
 殿

按南宋故都宮殿考

麗正門	和寧東
西華西	苑東
北宮	苑西
東水門	南水門
宜德	會通
關門	上閣
貽謀二門	斜門
垂拱	玉華閣
紫宸	合和
文德	大慶
集英	廣明
崇政	福寧
延和	明華
復古	慶瑞
緡熙	符寶
清燕	射殿

以上謂之正朝亦有隨事更名者

橋

清平

春波

萬成

清平

春波

王虹

清平

春波

德泉

清平

春波

蘭曉

清平

春波

南教場

北教場

春波

禁中及德壽宮皆有大龍池萬歲山擬西湖冷泉飛來峰若亭榭之盛御舟之華則非外間可擬春時競渡及買賣諸色小舟並如西湖駕幸宣喚錫黃鉅萬大意不欲數踴勞民故以此為奉親之娛耳

御園

聚景園 清波門外孝宗致養之地堂扁皆孝宗御書淳熙中屢經臨幸嘉泰間寧宗奉成肅太后臨幸其後並皆危廡不脩高疎登詩云翠華不向苑中來可是年年惜露臺水際春風寒漠漠官梅却作野梅開

會芳殿

流春臺

攬遠堂

芳華堂

花光亭

瑤津

翠光

桂景

觀碧

涼觀

瓊芳

彩霞

寒碧

柳浪橋

學士橋

玉津園 嘉會門外紹興間北使燕射於此淳熙中孝宗兩幸紹興中光宗臨幸

富景園 崇新門外孝宗奉太后臨幸不一俗呼東花園

屏山園 錢湖門外以對南屏山故名理宗朝改名

玉壺園 錢塘門外本劉郡王園有明秀堂

集芳園 葛嶺元係張婉儀園後歸太后殿內有古梅老松甚多理宗賜買平章舊有清勝堂望江亭雪香亭等

環華園

小隱園

延祥園 西依孤山為林和靖故居花寒水蘗氣象幽古三朝臨幸

瀛嶼 在孤山之椒舊名涼堂四壁蕭蕭照畫山水理宗易今名今為太一宮黃庭殿

清新堂

香月堂

梅亭

白蓮堂

香遠亭

六一泉堂

柳亭

上船亭

東西車馬門

西村水閣

林通墓

御舟港

瑞瑞坡

金沙井

六一泉

高疎堂

不敢浮山

北山南人喚酒春前春後客化樓射能館

暗花扶杖

上鶴池深柳拂舟白髮邦人能道舊君王

曾奉上皇遊

聚遠樓

高宗雅愛湖山之勝恐數踴煩民乃於宮內鑿大池引水注之以象西湖冷泉疊石為山作飛來峯因取坡詩賴有高樓能聚遠一時收拾與人間

名之周益公進端午帖子云聚遠樓高面面風冷泉亭下水溶溶人間炎熱何由到真是瑤臺第一重孝宗御製冷泉堂詩以進高宗和韻真盛事也

香遠堂

清深堂

梅坡

月榭

清新堂

芙蓉閣

歡忻堂

臨賦軒

至樂堂

清曠堂

瀛碧閣

冷泉堂

宮

文杏館

德壽宮

榮觀堂

重華宮

新益堂

慈福宮

射圃

慈壽宮

射圃

東宮

射圃

資善堂

射圃

玉淵堂

射圃

緯己堂

射圃

按宋行宮考宋行宮在杭州鳳凰山下即唐以來州治也按咸淳臨安志建炎三年二月高宗詔以杭州為行宮時執政秦屋半陷隨高宗以百官六軍未得其所不御正寢紹興元年十一月詔守臣徐康國措置且命不得華飾二年南門成名曰行宮之門三年以百官遇雨泥行非便詔築嘉創廊廊於南門之內十八年名南門曰麗正北門曰和寧東華門西華門二十八年始增築禁城而其官殿之制六卷官起居與百官聽宣布則曰文德殿謂之正衙其四卷官